

Dienelkander



Nuusbrief van die Gereformeerde Kerk Potchefstroom-Oos

20 Maart 2016

OGGENDDIENS: Ds. Karel

Skriflesing: Filippense 4:4-7 en 1
Tessalonisense 1:1-10

Teks: 1 Tesssalonisense 1:2-3

Tema: Wees `n agent van blydskap deur geloof, liefde en hoop in die Here uit te leef!

In die afgelope week het die *World Happiness Report* se nuwe verslag bekend geword. Daarvolgens is ons land die 116de gelukkigste land uit 156 lande. Om hierdie "geluksyfer" te bepaal is onder andere `n groep ekename, sielkundiges, gesondheidskundiges en dies meer gebruik. Die vraag is egter: "Hoe kan ons, as kerk van de Here, `n verskil maak in Suid-Afrika met die gevolg dat ons `n "gelukkiger" nasie is?"

Dit is dan wat Paulus vir ons goeie raad gee: "Wees altyd bly in die Here..." (Fil. 4:4), want wanneer ons vreugde in die Here is, is dit `n dieper vreugde wat nie afhanklik is van allerhande wisselende faktore nie. Kom ons vind vandag saam uit presies hóé ons dit kan doen en watter belangrike rol geloof, liefde en hoop daarin speel!

Lofprysing

Lied 588: 1, 2, 3

Ontmoetingsdiens

Intreelied Ps. 42-1: 1, 3; Votum; Seën;
Skriflesing

Geloof

Lofprysing: Sb. 1-1: 1, 2, 7; Skuldbelydenis: Ef. 2:1-7; Sing Ps. 9-2: 4, 5, 7; Vryspraak: Gal. 5:1-6; Sing Ps. 4-1: 3, 4 (Tweede melodie); Gebed; Preek

Liefde

Gebed; Liefdegawe, Gebed vir bediening na buite

Hoop

Lofpsalm: Lied 530: 1, 2, 3; Geloofsbelofte; Sing Sb. 2-4: 1, 2, 3; Seën; Amenlied Sb. 13-3.

AANDDIENS: Ds. Karel

Skrifgedeelte: Genesis 49: 27-28 en Rigters 19:1-5, 16-20, 19:25-20:1, 20:44-21:7 en 21:17-25

Teks: Genesis 49:27

Tema: Wolf, wolf, hoe laat is dit?

Ons maak vanaand klaar met ons reeks uit Genesis 49 en staan stil by die seën wat Jakob oor Benjamin uitgespreek het. Ons hoor in hierdie gedeelte hoe Benjamin as `n wolf beskryf word en wanneer ons na die res van die stam Benjamin se geskiedenis gaan luister, hoor ons hoe hulle dikwels soos wolwe te kere gegaan het. Ons hoor egter ook hoe God mense van hierdie stam gebruik het om `n belangrike rol te speel in die kerk van die Ou en Nuwe Testament.

Hiervan is Ehud, Saul, Ester, Mordegai en Paulus `n paar voorbeelde. Wat kan ons hierdie vreemde seënwens van Jakob leer oor ons verhouding met die Here?

Lofprysing

Sb. 20-2: 1, 2, 6, 7 en Ps. 147-2: 1, 3, 4
(Tweede melodie)

Ontmoetingsdiens

Intreelied Lied 151: 1, 2; Seën;
Lofsang Ps. 68-1: 1, 12, 13; Gebed

Woorddiens

Skriflesing; Woordverkondiging

Antwoorddiens

Gebed; Liefdegawes; Sing Ps. 32-1: 1, 3, 6;
Seën; Amenlied Sb 13-2.

MEELEWING

- Schalk van Deventer (Groep 19 - 083 262 5828) het 'n suksesvolle oogoperasie ondergaan.
- Riaan Andersen (Groep 35 - 081 543 8793) is Donderdag ontslaan en sterk nou tuis aan. Ons vertrou dat sy buik en rug nou mooi sal genees en dat hy sterker sal word.
- Mariana Plotz (Groep 27 - 082 456 8023) se moeder is baie ernstig siek aan kanker en die volgende twee weke is van kritieke belang. Ons dra haar en Walter met hulle familie aan die Here op.

Ons bid dat die Here spoedig beterskap, herstel en troos sal gee.

ONS GROET

Tannie Filina Coetsee van Huis Anna Viljoen wat met attestaat vertrek na die Geref Kerk Kemptonpark-Noord.

BAIE GELUK

JD Aucamp het tydens die afgelope onderwater-hokkie SA-kampioenskappe die

Jimmy Herbert trofee vir die beste afrigerter van 2016 gekry.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Marianne Kruger, Bettie Ras, Janet vd Walt, Hester Buys, brs. Isak vd Walt, Tjaart Snyman en Fanie Bezuidenhout.

DIE VOLGENDE NAME WORD TER APPROBASIE AAN DIE GEMEENTE VOORGEHOU

Vir die amp van OUDERLING: brs Willem Aucamp, Jasper Venter en Giel Vermeulen.
Vir die amp van DIAKEN: Sr Loretha de Vries en br CP Kloppers.

ONDERSTEUNING VIR SIEKES

Vir ondersteuning of besoek deur die hospitaalbesoeke-diensgroep, skakel hierdie week vir:

siekies@oosdoppers.co.za of
En Volschenk (082 564 1940)

SOSIALE MEDIA VIR ONS GEMEENTE

Webblad: www.oosdoppers.co.za

Facebook:

www.facebook.com/oosdoppers

Ons wil ook graag 'n vriendelike versoek rig dat u nie op die gemeente se elektroniese sms-stelsel terugantwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

Karel se preke kan ook aanlyn besigtig word by <http://karelsteyn.blogspot.co.za/>

KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

AFKONDIGINGS

Vandag

09:30 Oggenddiens
Tee en Koffie
Geen Katkisasie
Geen Kleuterbediening
18:00 Aanddiens

Maandag

Openbare Vakansiedag: Menseregtdag

Vrydag

09:00 Gesamentlike Paaserediens hier in ons kerkgebou olv ds Piet

VERJAARSDAE

Baie geluk aan almal wat DV hierdie week verjaar!

Sondag, 20 Maart

Sr Jana Ferreira	083 501 4200
Br Faan Oelofse	084 620 0326
Sr Louisa vd Walt (72)	083 475 7304

Maandag, 21 Maart

Sr Hanlie Bezuidenhout	082 335 3304
Br Botha vd Schyff	083 276 2187

Dinsdag, 22 Maart

Br Riaan Human	082 460 3049
Jsr Janke Kruger	
Sr Petro Liebenberg	078 119 2181
Sr Esta v Niekerk	082 839 2043

Woensdag, 23 Maart

Sr Ansie Bezuidenhout	079 259 5527
Br Dirk Snyman	082 367 3778

Donderdag, 24 Maart

Sr Elsie Buijs	082 875 3159
----------------	--------------

Vrydag, 25 Maart

Jbr Schalk du Plessis	
Br Pieter Geyer	071 201 3527
Sr Martje Smits (84)	018 294 4355

Saterdag, 26 Maart

Br Sarel Buijs	082 491 0557
----------------	--------------

ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Emeritusfonds.
- Gawe volgende Sondag vir die Teologiese Studentekas.
- Vrywillige bydrae vir voertuigsekuriteit in die bussies by die deure.
- Diensbeurte: Groep 10 en 11.

Hoe kweek ons hartsgesinne (4) Chris Venter

Die huwelikspaar – vervolg (c)

As maats moet julle werk aan julle:

8. Kommunikasie

- Maak tyd vir gesels.
- Gesels oor 'n wye spektrum van sake.
- Luister goed na wat gesê word, want luister is die basis van sinvolle kommunikasie.
- Let op jou tipiese respons op wat gesê word (blameer jy / kritiseer jy / verdedig jy jou self **of** kan jy empaties luister en ondersteunend reageer op jou maat se woorde voordat jy jou gedagtes oor 'n saak lig.)

9. Probleemoplossingsvaardighede

- Dit is kritis om dinge wat hinder te verander.
- Volg duidelike stappe:
kommunikeer die probleem duidelik, aan die toepaslike persoon, in duidelike gedragsterme; besluit op sekere oplossings in duidelike gedragsterme; kies een oplossing en implimenteer dit; besluit na 'n ruk of dit werk; indien nie, hoekom nie?; implimenteer die oplossing weer **of** kies die 2de oplossing waarop julle vroeër besluit het, ens.

10. Ouerskapvaardighede

- Besluit **saam** op enkele, duidelike reëls.

- Verduidelik die reels en die straf vir die oortreding daarvan, duidelik aan die kinders.
- Kies 'n toepaslike straf.
- Pas die reëls konsekwent toe.
- 'Moenie julle 'kinders' opstandig maak nie' (Ef.6:4)
- Wees kalm as dissipline toegepas word.
- Wees buigsaam.

[In 'n latere uitgawe meer oor kinderdissipline]

NB: As huweliksmaats moet julle dwarsdeur julle lewe aan julle huwelik werk en dit aanhou koester – te veel huweliksmaats fokus na die geboorte van hulle kinders slegs op hulle ouerskapverantwoordelikhede en vergeet van hulle eie verhouding. Gaan dus as huweliksmaats soms alleen uit en gaan, as die kinders ouer is, soms naweke alleen weg.

(Volgende week: Die kinders)

GESINSBEDIENING IN GK POTCHEFSTROOM-OOS

Soos ons al `n hele aantal kere genoem het, het die kerkrAAD einde verlede jaar besluit dat ons daadwerklik moet aandag gee aan die bediening van en aan gesinne in ons gemeente. Daar was toe `n gesinsbediening werkgroep aangewys wat reeds twee keer vergader het en wat reeds sekere aanbevelings aan die kerkrAAD gemaak het. Die kerkrAAD het die volgende aanbevelings goed gekeur:

Die volgene beginsels moet bepaal hoe ons bediening van en aan gesinne lyk:

1. Gesinsbediening is die voertuig waardeur die jeug van die gemeente bedien word.
2. Die volgende drie aspekte is belangrik vir volhoubaarheid: geloofskennis, pret en aktualiteit.
3. Die gemeente is ook `n gesin – die

huisgesin van God. Daarom dra ons saam verantwoordelikheid vir mekaar.

4. Ouers moet direk betrokke wees by die opvoeding en toerusting van die jeug op alle terreine van die kerklike lewe.
5. In die gemeentelike lewe moet daar `n prominente plek aan die gesin en geloofsvorming in die gesin gegee word.
6. Die gesin moet die ruimte wees waarin die kinders die wette en die bepalings van die Here leer.
7. Die gesinne in ons gemeente moet `n ruimte wees waar kinders ware en opregte diens aan God deur hulle ouers beleef.
8. Die gesinne in ons gemeente moet die ruimte wees waarbinne die kinders vertel moet word van die verlossingsdade van die Here. Só leer kinders vertroue in God.
9. Die gesinne in ons gemeente moet `n duidelike getuienis-karakter hê.

Tydens hierdie jaar se fokustyd gaan van hierdie beginsels met die hele gemeente deurgewerk word deur middel van preke, persoonlike bybelstudies en groepsbybelstudies.

Die volgende aksies en geleenthede word beplan:

1. Dat daar Fokustyd-lesplanne vir die kategete uitgewerk moet word om met die katkisante deur te werk. Gedurende die fokustyd sal daar dus vir twee Sondae weg gebreek word van die gewone lesinhoud van die katkisasie om spesifiek hierop te fokus.
2. Dat die ouers vier keer per jaar by die katkisasie klasse betrek word. `n Week voor die tyd moet die nodige

materiaal aan die gemeente deurgegee word, sodat dit ook in die erediens en prediking hanteer kan word.

3. Dat daar verdere toerusting van kategete in onderrigmetodes sal plaasvind.
4. Die volgende taakspanne word aangewys om aksies of geleenthede vir die betrokke jaargroepe te beplan:

Graad 1 tot 3: Heleen en Theo Coetzee (s), Hendrico van Rooyen, Meyer Olivier en Ihante Rheeder, Annari Oelofse, Hanlie Bezuidenhout

Graad 4 tot 7: Heleen Coetzee (s), Engela en Jaco van Rooyen, Annari Schutte, Marie en Orrie Oosthuizen.

Graad 8 tot 11: Herman en Wilna Stavast, Adele Human, Simon en Anine Korb (s).

Ons sal DV binnekort meer oor hierdie aksies aan die gemeente deurgee. Indien jy graag hierby wil betrokke raak of net insette wil gee, kontak gerus vir Karel.

AMANDELBLOEISELS

Ons nooi u almal hartlik uit om saam met ons die "Creative Knitting" uitstappie na die museum by te woon. Ons kry mekaar op Woensdag 23 Maart om 10:00 by die Biblioteek. Skryf gerus nog jou naam op die lys in die voorportaal indien jy saamgaan.

MILDE HANDE

Ons benodig brei- en hekelpatrone vir die boek wat ons saamstel. Handig asb jou spesiale patroon so gou as moontlik by die kerkkantoor of by Annetjie Vermeulen in.



Die eerste voltooide brei- en hekelwerk kan ook asb voor of op 26 April ingehandig word. Baie dankie vir almal wat hiermee help!

KERKKAMP - SMILIN' THRU VAKANSIEOORD 22 April tot 24 April



Kom geniet 'n naweek saam met mede-gelowiges!

Geografie: 6 km vanaf T-aansluiting by Parys, op Fochville-pad

Bring jou tent of karavaan en kamp saam.

Koste: R110 p/p p/n (kinders onder 2 jaar gratis)

28 Kampplekke beskikbaar

Persone per kampplek: 6 maksimum

Karavaan en Standaard kragpunt

Fasilitete: Spoeltoilet, Stort, Bad, Warmwater,

Aktiwiteite: Swem, Stap, Visvang, Bergfiets, Kano's, Voëlkyk, Wildkyk, Mini-golf, wipmatte, vlugbal, tennis.

Bespreek en betaal tenvolle voor **27 Maart 2016**. Geen terugbetaling by kansellasie nie. Stuur bewys van betaling aan annasmith@webmail.co.za anders kan bespreking nie gedoen word nie

BEROEPENUUS

BEROEP ONTVANG

- Ds Henning Venter van Geref Kerk Pinetown na Geref Kerke Windhoek en Gobabis.

BEROEPBAARSTELLING

Dit is met groot vreugde dat Klassis Verre Oos-Rand bekend maak dat **br. Jaco Cronje** (sel: 082 668 040) deur die Klassis saam met die deputate van die Oostelike Streeksinode geëksamineer is op 17 Maart 2016. Na suksesvolle aflegging van die proponentseksamen is daar besluit om die broeder beroepbaar te stel in die GKSA.

Susters



TEESKINKGELEENTHEID


Tee word vandag in die Skuur bedien onder die leiding van Stephanie Earle (groep 34), Alicia Bruwer (groep 35) en Anine Korb (groep 36).

Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**



SUSTERSBYDRAE

 Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.




BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan.

Baie dankie aan almal wat so getrou vir ons die vol blikkies bring.

DANKIE AAN ONS BORG VAN DIE WEEK!

 <p>Kerkstraat 199 Potchefstroom Tel: 297 7247 Elke dag oop tot 20:30</p>	<p>ESTÉE LAUDER</p> <p>PAYOT PARIS</p> <p>Kanebo</p> <p>ROC</p>	<p>ORLANE PARIS</p> <p>CLARINS PARIS</p> <p>REVLON</p> <p>GREEN + CROSS</p>
--	---	---



NUUS UIT DIE BYBELKOERANT



STAD SIT SY BESTE VOET VOOR VIR DIE DUISENDE PAASFEESGANGERS

JERUSALEM. - Die stad van Dawid is gereed om die duisende paasfeesgangers te akkommodeer. Dit is die boodskap van die hoëpriester Kajafas, voorsitter van die reëlingskomitee vir dié belangrike fees op die Joodse kalender.

Spesiale reëlings is getref vir die verwagte toeloop van pelgrims. Mense wat verblyf soek, kan aanklop by die spesiale inligtingskantoor op die tempelplein. 'n Volledige lys van alle beskikbare slaapplek is daar verkrygbaar. Verder is daar lammers vir die Paasmaaltyd te koop, asook duwe vir die bring van offers. Geldwisselaars staan ook gereed om besoekers se Griekse en Romeinse munte om te sit in die vereiste Joodse geld vir die tempelbelasting.

Intussen het die eerste pelgrims uit die Noorde vandag hier begin aankom vir die week lange feesvierings, wat die Israeliete se verlossing uit Egipte meer as 1200 jaar gelede in herinnering roep.

Lees hiervan in Markus 11: 15-19.

Persoonlik



Die rabbi Jesus van Nasaret en sy dissipels sal vir die duur van die Paasfees in Betanië by sy vriend Lazarus en die se susters, Maria en Marta huis gaan. Hulle beplan om die Paasmaaltyd saam in Jerusalem te vier.



Lees hiervan in Markus 11: 1-11; 14: 12-26



Die Bybelkoerant
kerkkantoor@oosdoppers.co.za